

巢經巢全集

第三函
第六冊

巢經巢文集序

遵義鄭先生子尹徵君爲西南儒宗垂數十年生平著述甚富致極精嚴未嘗如俗儒苟操鉛槧也道光中郡太守聘撰遵義府志成書四十八卷同時刻者有樗齋譜一卷母教錄一卷迨咸豐中治許鄭學益精三禮六書洞晰淵微乃家刻巢經巢經說一卷說文逸字二卷巢經巢詩鈔九卷唐威恪公樹義爲刻播雅二十四卷同治三年先生沒後遺著尤多威恪公子今中丞炯續刻儀禮私箋八卷鄭學錄四卷於蜀中獨山莫君祥芝刻輪輿私箋二卷於金陵至光緒四年四川川東道歸安姚君覲元編咫進齋叢書爲刻說文新附考六卷粵東廣雅書局南皮張尙書之洞所設者也又采刻汗簡箋正八卷親屬記二卷於廣雅叢書中由是先生著述約略已具然其精者尙其考工鳧氏圖說一卷巢經巢文鈔五卷詩集續鈔 卷無傳本資州刺史貴筑高君培穀惜焉復任剡廨而先生之書始克告全自餘雖有一二遺編皆非其至矣奇書之在世譬

猶金珠美玉蘊蓄於山淵必有精光上屬霄漢歷久而不可磨滅今先生遺書
播行海內聞者鄉風士大夫轉相逡刻其犁然有當於人心不待智者而知已
然卒成此一簣之功使無放失者高君也光緒十九年十二月遵義黎庶昌

巢經巢文鈔目錄

卷一

考三首

問答十七首

說一首

卷二

書十一首

序二十五首

題識四首

卷三

記二十五首

跋四十三首

卷四

書後 十二首

傳 八首

行狀 二首

墓表 一首

墓志銘 三首

贊 四首

銘 二首

祭文 三首

右文都一百六十一首曾見伯更先生所記目錄有舅姁周宜人七十壽
序先廬記今無此二文至目錄先後從之惟說另列一類銘贊移置墓誌
銘後題識從陳本分列之編爲四卷前高培穀刻於資州板已不存只取

黎庶昌序冠之首陳夔龍排印本又以經說列於前茲仍釀之還原板之
舊惟增跋與信稿贊銘數編庚辰春趙愷謹識



巢經巢文集卷第一

遵義 鄭 珍 子尹

考

牂柯考

牂柯郡所以名漢以後有二說華陽國志云莊蹻出且蘭伐夜郎植牂柯繫船蹻王滇池以繫船因改且蘭爲牂柯國此一說也水經注牂柯江中兩山左思

吳都賦所謂吐浪牂柯

今吳都賦無此文

後漢志注云牂柯江中名山

通鑑注引今後漢書注無此文

此又一說也今按蹻之王滇史記在楚威王時後漢書在頃襄王時要其時並
在戰國據管子小匡篇云桓公曰余乘車之會九兵車之會三九合諸侯一匡
天下南至吳越巴牂柯限不庾雕題黑齒荆夷之國莫違寡人之命注皆南夷
國號是齊桓定伯之時南夷已有牂柯國雖不定始於何代要是自周以來即
與雕題黑齒著號荒服先於莊蹻六七百年不待莊蹻以船牁爲名較然矣且

如常氏之說則且蘭國自僑後名牂柯矣何以終西漢世止稱且蘭不一及牂
柯乎愚以管子書考之牂柯自是三代時要荒中一國其名牂柯者按異物志
云有一山在海內小而高似繫船筏俗人謂之越王牂柯遠望甚小而高不似
山近望之以爲一株柏樹在水內又交州記云侯石孤絕高數丈名爲牂柯在
海中二書皆以牂柯在海中與謂在江中且是兩山者不同要必有此山似繫
船之牂柯故山以爲名而其山或在國境內故卽以名國魏晉以前蓋必有師
說也其國在春秋時必雄大著稱與吳越荆巴等故齊桓數南國之從命者亦
屈指及之自戰國以後別無考見據後漢書夜郎東接交趾西有滇國北有邛
都國各立君長其疆域之廣遠必不在秦後始開拓而然而其域中又必合有
三代時諸南蠻小國乃成一大夜郎國觀唐蒙通道時史獨稱見夜郎侯約置
吏可見其時諸國受夜郎轄制已久漢使止得夜郎聽約諸國卽無不聽約矣
此可推見秦以前戰國以後夜郎卽大其時牂柯與且蘭龍令等國必同臣屬

夜郎史記西南夷傳所稱此諸國及夜郎旁小邑者卽指牂柯等等秦與漢雖皆置吏而此諸國君長不改故且蘭在征南越時仍稱且蘭君而鉤町漏臥同並諸侯亦如舊也在開牂柯郡時十七縣地爲舊國不知凡幾非一牂柯國所能盡而以牂柯名郡者蓋因牂柯號國於諸縣地獨與吳越巴楚同載典籍故取牂柯舊名兼之如巴郡之兼夔苴等國蜀郡之兼徙苻等國皆從其最舊著者郡非牂柯先本是且蘭亦非牂柯卽是夜郎常氏不關會管子書臆創矯改且蘭爲牂柯之說後人不能細究原始相沿夢夢俱可置而勿論云

白錦堡考

宋史端平三年以白綿堡置播州綿乃錦字之誤自王象之輿地紀勝謂南平軍在白錦堡去播州三百里後地志皆沿之堡遂在綦江境內矣今考潛溪集楊氏家傳光榮籍播州二縣地往獻於朝詔卽其地建白錦堡此堡名所由始也後又云軫病舊堡監陋樂堡北二十里穆家川山水之佳徙治之是爲湘江

此卽今遵義府治云在堡北二十里則堡在今府治南二十里無疑若堡在綦江境上去穆家川三百里而遙楊氏無故舍其世守遠徙如此已大非情事且由綦江往今府治地越漆珍二州楊軫宋高宗時人其時珍漆境內皆有土酋據守安得任其自由且楊氏自唐末以來世守止是播州若至是始徙穆家川則前此皆治在南平軍矣不與史志大舛乎然則家傳得其實矣又按家傳序端之入播雲端詣瀘州合江逕入白錦軍高遙山據險立砦結土豪爲久駐計又序楊實弟先蟻擁兵事云先據白錦東遵義軍號下州蟻聚白錦南近邑號揚州稱南衙將軍舉兵攻先且外結閩兵爲助楊貴遷大發兵設二覆於高遙山要其歸而擊之閩大潰赴水死者數千蟻亡入閩觀傳文可知白錦爲楊端前舊名至光榮獻地建堡乃得堡稱所稱高遙山在今府城西三十里山麓卽松邱寺所稱閩或稱羅閩卽指今水西所稱赴死之水卽今樂闡河樂闡蓋羅閩之訛當時河西卽近閩地觀傳序三公歸閩事云阿永蠻發兵納三公界上

會濟江夷獫引舟岸北云云江卽是此水岸北卽是界上則閩播以樂閩河爲界甚明白所稱遵義軍乃宋於唐之遵義縣置者地爲今之綏陽此史家據後追稱時尙未置軍也統家傳前後文繹之知楊端入播其路由合江入仁懷徑至高遙山立砦以備攻守白錦必在山之附近定播之後遂世居之想其時唐之州治在今綏陽者遣子弟分守而已故宋耶堡置播州而以唐州治置軍今綏陽正在府治之東於治南二十里之白錦亦在其東宋文獻據譜立傳故能事事實合可以裁度諸史堡去播三百里之說止見其誣矣今府城南四十里有市曰嬾板凳西距高遙山十里市名極無意義疑其地卽古之白錦自楊軫北徙穆家川入以其地在南遂稱爲南白錦南嬾白板雙聲錦凳疊韻歷久音訛遂成今稱或曰如此卽與二十里不合曰白錦之地廣矣藉此相沿舊稱知故堡要在其近豈方數十丈之外遂不可以白錦之名被之乎

駁朱竹垞孔子門人考 辛酉

竹垞朱氏既著孔子弟子考又以七十子之徒公羊高穀梁赤等爲門人著孔子門人考謂歐陽子言受業者爲弟子受業於弟子者爲門人稽之論語所云門人皆受業於弟子者顏淵死門人厚葬之此顏子之弟子子出門人問此曾子之弟子子疾病子路使門人爲臣此子路之弟子子夏之門人問交於子張此子夏之弟子孟子云門人治任將歸入揖於子貢此子貢之弟子斯言也害經之至按論語記孔子言行其或曰門弟子或曰門人皆孔子之弟子也所以稱門弟子門人者古之教者家有塾塾在門堂之左右施教受業者居焉所謂皆不及門及此門也奚爲於某之門於此門也滕更之在門在此門也故曰願留而受業於門禮記檀弓孔子先反門人後又孔子與門人立拱而尙右二三子亦皆尙右又孔子之喪門人疑所服子貢請喪夫子若喪父而無服又子貢曰於門人之喪未有所脫諺史記仲尼弟子傳孔子曰自吾有回而門人益親諸言門人卽弟子也何有弟子之弟子乃爲門人哉朱氏所舉論語惟一貢章

疏云門人曾子弟子厚葬章疏云門人顏淵弟子推邢氏之意蓋以文云子出當不在孔子之家疑者不問孔子而問曾子厚葬者敢違不可之命而必致其情是必顏曾之弟子也然則孔門諸弟不當互相諮益亦不當厚葬朋友乎其說固已難通至于路預具家臣待庀師喪何以必須使已弟子當時病終不聞七十子不將都無一事止視孔子死於子路弟子之手而不敢與子路弟子之大葬孔子乎子路在孔門自秦商顏路外其齒爲長其進道最勇爲同門所素敬至是不敬其輕慢之必有見於詞色者師非孔子孰無所短是豈爲之弟子者所敢出乎若治任將歸之門人三年之外服師之心喪畢也入揖子貢嚮哭失聲去者留者痛師之不復見也使爲子貢弟子何以歸必於三年之外而入揖皆痛哭也論孟所有門人爲朱氏未舉者更有童子見門人感此誰氏之門人益成廷見殺門人問豈廷亦宜有弟子乎若問交子張者經明云子夏之門人如朱說則是子夏弟子之弟子也而云子夏之弟子是門人弟子依然無別

直自相矛盾矣朱氏他考訂多純確此乃大謬誠所不解詳歐陽子跋孔寅碑
陰徒見其四十二人稱門生又有十人稱弟子以爲必有分別因云親受業者
爲弟子轉相傳受者爲門生知門生不弟子原皆門人之稱宙碑云故吏門人
乃共勒石示後而其陰由門生門童而故吏而故民止矣繼十弟子在未則續
添出錢之人故變門生題弟子亦猶揚著碑陰前已題右沛君門生末又題右
三人沛君生爲續添而省門生日生耳豈生與門生又有別哉洪景伯已覺歐
說不安增一語曰總而言之亦曰門生以求通於他碑之止稱門生者不思他
碑固可通在宙碑明是門生弟子分題如其說則其稱門生者必受業於稱弟
子者也題名固可以學子居前先生殿末乎朱氏又云隸釋隸續所載諸碑爲
弟子復有門生知門生弟子固別按漢碑有弟子復有門生者惟一孔宙碑陰
卽以宙碑而論碑云門人而陰竝有門生弟子是門生弟子皆爲門人又安得
云門人止是門生也若他碑惟謁者景君碑陰皆稱弟子而先題諸生服義者

則弟子卽是生楊震碑其孫統之弟子所立而云統之門人陳熾等緣在三義一樹元石於墳道揚著碑其弟子及季父秉從兄統之弟子所立而云門徒小子喪茲師範故樹斯石其陰則題後公門生沛公門生逢盛碑其父之弟子所立云感愾三成一列同義其陰徐承四人題家門生魯峻碑門生三百二十人追惟游夏之義作謚宣父謚君曰忠惠父夫曰緣在三喪師範感三成追比游夏作謚非受業弟子而何則弟子門人門生是一無別證以漢碑益明白矣或曰從漢書鄭康成傳門生相與撰諸弟子問五經爲鄭志門生與弟子明別朱氏據歐洪殆未必非曰此修辭之體然爾若云門生撰門生弟子撰弟子卽不成文語矣鄭志實康成弟子趙商張逸等撰故唐劉知幾議則云元歆後諸弟子追述及其師注所述及應答時人作鄭志是康成傳正門生卽弟子之確證與史記仲尼弟子傳云仲由門人請爲弟子措詞正同若誠有別然則子路之及孔門是由孔子之再傳弟子先容歟或又曰後漢李固傳云固下獄門生王

調貫械上書證其枉及固死弟子郭亮負鉄鎖乞收固屍賈逵傳云拜逵所選弟子及門生爲千乘王國郎此又豈是無別者曰此言之門生不可與門人並論也漢時弟子稱門生而反在門下奉教令不必師其學問者亦稱門生邳壽傳竇憲常使門生齋書詣壽有所請託楊彪傳黃門令王甫使門生於京兆界幸推財物及此兩傳之門生皆是也特如今所謂門子門丁耳顧亭林云漢人以受學者爲弟子其依附名勢者爲門生亦與史傳諸碑外背迥降至六朝仕宦者皆名門世族寒賤無出身之路相率趨赴勢家列其門籍爲門生如南史顧琛傳琛以宗人顧碩寄尙書張茂度門名者乃得如亭林所云耳其時初至者入錢爲贄甚乃重賕賂以求充梁顧協有門生始來事知協廉潔不敢厚餉止送錢二千協怒杖之二十陳姚察有門生送南布一端花練一疋察厲聲驅出而宋顏竣多假資禮解爲門生充朝滿野殆將千計可見也其人供使令賤役又似今奴僕之類晉王微嘗將門生兩三人入山采藥陶淵明使一門生二